

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Secundum

Thomas <von Aquin, Heiliger>

Romae, 1619

De iniustitia ex parte rei, siue accusati in sua defensione. Qu[a]estio 69.

urn:nbn:de:hbz:466:1-38762

Et auferes malum de medio tui, vt audientes cœteri timorem habeant, & nequaquam talia audeant facere. Specialiter tamen personæ accusati facit iniuriā, si de falso accuset. Et idēc accusatus si innocens fuerit, potest ei iniuriam suam remittere, maximè si nō calumniōse accusauerit, sed ex animi levitate. Si vero ab accusatione nocentis desistat propter aliquam collusionem cum aduersario, facit iniuriam reipublicæ. Et hoc non potest ei remitti ab eo, qui accusatur: sed potest ei remitti per principem, qui curam reipublicæ gerit.

Ad tertium dicendum, quod pœnam talionis meretur accusator in recompensationem nocumeti, quod proximo inferre intentat. Sed pœna infamiae ei debetur propter malitiam ex qua calumniōse alium accusavit. Et quandoque quidem princeps remittit pœnā, & non abolet infamiam. Quandoque autem etiam infamiam abolet. Vnde & Papa potest huiusmodi infamiam abolere. Et quod dicit * Papa Gelasius, Infamiam abolere non possumus: intelligendnm est de infamia facti, vel quia eam abolere aliquando non expedit: vel etiam loquitur de infamia irrogata per iudicem civilem, sicut dicit dicit † Gratianus.

QVÆST. LXIX.

De viis contra iustitiam exparsis rei, in quatuor articulos diuisa.

DInde considerandum est de peccatis, quæ sunt contra iustitiam ex parte rei.

- ¶ Et circa hoc quæruntur quatuor.
- ¶ Primo, vtrum peccet aliquis mortaliter, veritatem negando, per quam condemnaretur?
- ¶ Secundo, vtrum liceat alicui se calumniōse defendere?
- ¶ Tertio, vtrum liceat alicui iudicium subterfugere, appellando?
- ¶ Quarto, vtrum liceat alicui condemnato per violentiam se defendere, si adsit facultas?

AR-



*V*trum absque peccato mortali possit accusatus veritatem negare, per quam condemnaretur?

Ad primum sic proceditur. Videtur, quod absque peccato mortali possit accusatus veritatem negare, per quam condemnaretur. Dicit enim Chrysost.^{*} Non tibi dico ut te prodas in publicum, neque apud alium accuses. Sed si veritatem confiteretur in iudicio accusatus, seipsum proderet, & accusaret. Non ergo tenetur veritatem dicere: & ita non peccat mortaliter, si in iudicio mentiatur.

¶ 2 Præterea, Sicut mendacium officiosum est, quando aliquis mentitur, ut alium à morte liberet: ita mendacium officiosum esse videret, quando aliquis mentitur, ut se liberet à morte: quia plus sibi renetur, quam alteri. Mendacium autem officiosum, non ponitur esse peccatum mortale, sed veniale. Ergo si accusatus veritatem in iudicio neget, ut se à morte liberet, non peccat mortaliter.

¶ 3 Præterea, Omne peccatum mortale est contra charitatem, ut supra^{*} dictum est. Sed quod accusatus mentiatur, excusando se à peccato sibi imposito, non contrariatur charitati, neque quantum ad dilectionem Dei, neque quantum ad dilectionem proximi. Ergo huiusmodi mendacium non est peccatum mortale.

SED contra, Omne quod est contrariū diuinæ glorie, est peccatum mortale: quia ex præcepto tenemur omnia in gloriam Dei facere, ut patet prima ad Corinthios decimo. Sed quod reus id quod contra se est, confiteatur, pertinet ad gloriam Dei: ut patet per illud quod Iosue dixit ad Acham, Fili mi da gloriam Domino Deo Israel, & confitere, atque indica mihi quid feceris: ne abscondas: ut habetur Iosue 7. Ergo mentiri ad excusandum peccatum, est peccatum mortale.

RESPONDEO dicendum, quod quicumque facit contra debitum iustitiae, mortaliter peccat, sicut supra^{*} L 3 dictum

dictum est. Pertinet autem ad debitum iustitiae, quod aliquis obediat suo superiori in his, ad quae ius prælationis se extendit. Iudex autem, ut supra * dictum est, superior est respectu eius qui iudicatur. Et ideo ex debito tenetur accusatus iudicii veritatem expondere; quam ab eo secundum formam iuris exigunt. Et ideo si confiteri noluerit veritatem, quam dicere tenetur, vel si eam mendaciter negauerit, mortaliter peccat. Si vero iudex hoc exquirat, quod non potest, secundum ordinem iuris non tenetur ei accusatus respondere. Sed potest vel per appellationem, vel aliter licet subterfugere: mendacium tamen dicere non licet.

Ad primum ergo dicendum, quod quando aliquis secundum ordinem iuris a iudice interrogatur, non ipse se prodit: sed ab alio proditur, dum ei necessitas respondendi imponitur per eum, cui obediere tenetur.

Ad secundum dicendum, quod menciri ad liberandum aliquem a morte, cum iniuria alterius, non est mendacium simpliciter officiosum, sed habet aliquid de perniciose admixtum. Cum autem aliquis mentitur in iudicio ad excusationem sui, iniuriam facit ei, cui obediere tenetur, dum sibi denegat quod ei debet, scilicet confessionem veritatis.

Ad tertium dicendum, quod ille qui mentitur in iudicio, se excusando, facit & contra dilectionem Dei, cuius est iudicium; & contra dilectionem proximi: tum ex parte iudicis, cui debitum negat: tum ex parte accusatoris, qui punitur, si in probatione deficiat. Vnde & in Psal. 140. dicitur, Ne declines cor meum in verba malitiae, ad excusandas excusationes in peccatis. Vbi dicit gloss. Hæc est consuetudo impudentium, ut deprehensi, per aliqua falsa se excusent. Et Greg. 22. * Moral. exponens illud Job 21. Si abscondi quasi homo peccatum meum: dicit, Visitatum humani generis virium est, & labendo peccatum committere, & commissum negando abscondere, & conuictum defendendo multiplicare.

cap 13. in
princ.

A R -

Vtrum accusato liceat calumniosè se defendere?

AD secundum sic proceditur. Videtur, quod accu-
sato liceat calumnioso se defendere. Quia secun-
dum iura ciuilia, in causa sanguinis licitum est cuius-
bet aduersarium suum corrumpere. Sed hoc maximè cor.
est calumnioso se defendere. Ergo non peccat accu-
satus in causa sanguinis, si calumnioso se defendat.

¶ 2 Præterea, Accusator cum accusato collu-
dens, poenam recipit à legibus constitutam, vt ha-
betur * secunda quæstione tertia. Non autem impo-
nitur poena accusato per hoc, quod cum accusator
colludit. Ergo videtur quod liceat accusato calum-
nioso se defendere.

¶ 2 Præterea, Proverbiorum 14. dicitur, Sapiens
timet & declinat à malo: stultus autem transilit &
confidit. Sed illud quod fit per sapientiam, non est
peccatum. Ergo si aliquis qualitercumque se liberet à
malo, non peccat.

S E D contra est, quod etiam in causa criminali
iuramentum de calunnia est præstandum, vt habe-
tur † extra de juramento calunniae, inhærentes. *tin decr.*
Quod non esset, si calumnioso se defendere liceret. *l.2. tit 7.*
Ergo non est licitum accusato calumnioso se defen-
dere.

R E S P O N D E O dicendum, quod aliud est ve-
ritatem tacere, aliud est falsitatem proponere. Quo-
rum primum in aliquo casu licet: non enim aliquis
tenerit omnem veritatem confiteri, sed illam solum,
quam ab eo potest, & debet requirere iudex secun-
dum ordinem juris: puta cum præcessit infamia su-
per aliquo crimen, vel aliqua expressa indicia ap-
paruerunt, vel etiam cum præcessit probatio semi-
plena. Falsitatem tamen proponere in nullo casu li-
cer alicui. Ad id autem quod licitum est, potest ali-
quis procedere, vel per vias licitas & fini intento ac-
commidas, quod pertinet ad prudentiam: vel per

L 4 aliquas

aliquas vias illicitas & proposito fini incongruas.
 9.35.2.4. quod pertinet ad astutiam, quæ exercetur per frau-
 dem & dolum, ut ex supra *dictis patet. Quorum
 & 5. primum est laudabile, secundum vero vitiosum. Sic
 ergo reo qui accusatur, licet se defendere veritatem
 occultando, quam confiteri non tenetur per aliquos
 conuenientes modos: puta quod non respondeat, ad
 quæ respondere non tenetur. Hoc autem non est ca-
 lumniosè se defendere, sed magis prudenter euade-
 re. Non autem licet ei vel falsitatem dicere, vel ve-
 ritatem tacere, quam confiteri tenetur. Neque etiam
 aliquam fraudem vel dolum adhibere: quia fraus &
 dolus vim mendacij habent. Et hoc est calumniosè
 se defendere.

Ad primum ergo dicendum, quod multa secundum
 leges humanas impunita relinquuntur, quæ secun-
 dum diuinum iudicium sunt peccata. Sicut patet in
 simplici fornicatione: quia lex humana non exigit ab
 homine omnimodam virtutem, quæ paucorum est;
 & non potest inueniri in tanta multitudine populi,
 quantum lex humana habet necesse sustinere. Quod
 autem aliquis non velit aliquid peccatum commi-
 tere, ut mortem corporalem euadat, cuius pericu-
 lum in causa sanguinis imminent reo, est perfectæ vir-
 tutis: quia omnium terribilium maxime terrible
 est mors, ut dicitur in tertio * Ethicorum. Et idem
 si reus in causa sanguinis corrumpat aduersarium
 suum, peccat quidem inducendo eum ad illicitum.
 Non autem huic peccato lex ciuilis adhibet penam:
 & pro tanto licitum esse dicitur.

Ad secundum dicendum, quod accusator, si collu-
 dat cum reo, qui noxious est, poenam incurrit: ex quo
 patet quod peccat. Vnde cum inducere aliquem
 ad peccandum, sit peccatum, vel qualitercumque
 peccati participem esse, cum Apostolus dicat dignos
 morte eos, qui peccantibus consentiunt: manifestum
 est, quod etiam reus peccat, cum aduersario colluden-
 do. Non tamen secundum leges humanas imponitur sibi
 pena,

pœna, propter rationem iam^{*} dictam. in solu-
Ad tertium dicendum, quod sapiens non abscon-
dit se calumniose, sed prudenter.

ARTIC. III.

*Vtrum reo liceat iudicium per appellationem
declinare?*

387

Ad tertium sic proceditur. Videtur, quod reo non liceat iudicium declinare per appellatio-
nem. Dicit enim Apostolus Rom. 12. Omnis anima,
potestatis sublimioribus subdita sit. Sed reus appelle-
lando, recusat subiecti potestati superiori, scilicet iu-
dici. Ergo peccat.

¶ 2 Præterea, Maius est vinculum ordinarij po-
testatis, quam propria electionis. Sed sicut legitur^{*} 2. q. 6. c.
2. quæst. 6. A iudicibus quos communis consensu ele-
gerit, non liceat prouocare. Ergo multo minus licet
appellare à iudicibus ordinarijs.

¶ 3 Præterea, Illud quod semel est licitum, sem-
per est licitum. Sed non est licitum appellare post
decimum diem, neque tertio super eodem. Ergo vi-
detur quod appellatio non sit secundum se licita.

S E D contra est, quod Paulus Cæarem appellauit:
v. habetur Act. 25.

R E S P O N D E O dicendum, quod duplice de-
causa contingit aliquem appellare. Vno quidem mo-
do, confidencia iustæ cause: quia videlicet iniuste à
iudice grauatur. Et sic licitum est appellare. Hoc
enim est prudenter euadere. Vnde^{*} 2. quæst. 6. dici-
tur, Omnis oppressus, libere sacerdotum, si volue-
rit, appellat iudicium, & à nullo prohibetur. Alio
modo aliquis appellat, causa afferendæ moræ, ne con-
tra eum iusta sententia proferatur. Et hoc est calum-
niouse se defendere: quod est illicitum, sicut^{*} dictum art. præc.
est. Facit enim injuriam & iudici, cuius officium
impedit: & aduersario suo, cuius iustitiam quantum
potest perturbat. Et ideo sicut dicitur 2. quæst. 6. om-
ni modo puniendus est, cuius appellatio, iniusta pro-
nuntiatur.

Ad

Ad primum ergo dicendum, quod potestati inferiori in tantum aliquis subjici debet, in quantum ordinem superioris seruat, à quo si exorbitauerit, ei subjici non oportet: puta si aliud iusserit Proconsul, & aliud Imperator, ut patet per * Gloss. Roman. 13. Cū autem iudex aliquem iniustè grauat, quantum ad hoc relinquit ordinem superioris potestatis, secundum quam necessitas sibi ius è iudicandi imponitur. Et ideo licitum est ei, qui contra iustitiam grauatur, ad directionem superioris potestatis recurrere, appellando vel ante sententiam, vel post. Et quia non presumitur esse rectitudo, ubi vera fides non est, ideo non licet catholico ad infidelem iudicem appellare: secundum illud secundæ quæstione sexta*, Catholici, qui causam suam sive iustum, sive iniustum ad iudicium alterius fidei judicis prouocauerit, excommunicetur. Nam & Apostolus arguit eos, qui iudicio conrendebant apud infideles.

Ad secundum dicendum, quod ex proprio defectu vel negligentia procedit, quod aliquis sua sponte se alterius iudicio subjicit, de cuius iustitia confidit. Lewis etiam animi esse videtur, ut non permaneat in eo quod semel approbavit. Et ideo rationabiliter denegatur subsidium appellationis à iudicibus arbitrijs, qui non habent potestatem, nisi ex consensu litigantium. Sed potestas judicis ordinarij non dependet ex consensu illius, qui eius iudicio subditur, sed ex auctoritate regis & principis, qui eum instituit. Et ideo contra eius iniustum grauamen lex tribuit appellationis subsidium. Ita quod etiam si sit simul ordinarius, & arbitrarius iudex, potest ab eo appellari: quia videtur ordinaria potestas occasio fuisse, quod arbiter eligeretur: nec debet ad defectum imputari eius, qui consenxit in eum sicut in arbitrum, non ut in eum, quem princeps iudicem ordinarium dedit.

Ad tertium dicendum, quod æquitas iuris ita subvenit vni parti, quod altera non grauetur. Et ideo

ideo tempus decem dierum concessit ad appellandum, quod sufficiens estimauit ad deliberandum, an expeditum appellari. Si vero non esset determinatum tempus, in quo appellare licet, semper certitudo iudicij remaneret in suspenso: & ita pars altera damnificaretur. Ideo auctor non est concessum, ut tertio aliquis appellat super eodem: quia non est probabile, totiens iudices a recto iudicio declinare.

ARTIC. IV.

Vtrum liceat condemnato ad mortem se defendere si possit?

388

AD quartum sic proceditur. Videtur, quod liceat condemnato ad mortem se defendere, si possit. Illud enim ad quod natura inclinat, semper est licitum, quasi de iure naturali existens. Sed naturæ inclinatio est ad resistendum corruptiibus, non folum in hominibus & animalibus, sed etiam in insensibiliibus rebus. Ergo licet reo condemnato resistere, si potest, ne tradatur in mortem.

T 2 Præterea, sicut aliquis sententiam mortis contra se latam subterfugit resistendo, ita etiam fugiendo. Sed licitum esse videtur, quod aliquis se a morte per fugam liberet: secundum illud Eccles 9. Longè esto ab homine potestate habente occidendi, & non viuificandi. Ergo etiam licitum est reo resistere.

T 3 Præterea, Proverb. 24. dicitur, Erue eos qui ducunt ad mortem; & eos qui trahuntur ad interitum, liberare ne cesses. Sed plus teneat aliquis sibi, quam alteri. Ergo licitum est, quod aliquis condemnatus, seipsum defendat, ne in mortem tradatur.

SE D contra est, quod dicit Apost. Roman 13. Qui potestati resistit, Dei ordinationi resistit: & ipse sibi damnationem acquirit. Sed condemnatus, se defendendo, potestati resistit, quantum ad hoc, in quo est divinitus instituta ad vindictam malefactorum, laudem vero bonorum. Ergo peccat se defendendo.

R E-

172 QVÆST. LXIX. ART. IV.
RESPONDEO dicendum, quod aliquis damnatur ad mortem dupliceiter. Vno modo iuste: & sic non licet condemnato se defendere. Licitum enim est iudici cum resistentem impugnare. Vnde relinquitur, quod ex parte eius sit bellum iniustum. Vnde indubitanter peccat. Alio modo condemnatur aliquis iniuste: & tale iudicium simile est violentiae latrom: secundum illud Ezech. 22. Principes eius in medio illius quasi lupi rapientes prædam, ad effundendum sanguinem. Et ideo sicut licet resistere latronibus, ita licet resistere in tali casu malis principibus, nisi forte propter scandalum vitandum, cum ex hoc aliqua grauis turbatio timeretur.

Ad primum ergo dicendum, quod ideo homini data est ratio, ut ea, ad quæ natura inclinat, non passim sed secundum rationis ordinem exequatur. Et ideo non quælibet defensio sui est licita, sed solum quæ fit cum debito moderamine.

Ad secundum dicendum, quod nullus ita condemnatur, quod ipse sibi inferat mortem, sed quod ipse mortem patiatur. Et ideo non tenetur facere id, unde mors sequatur: quod est manere in loco, vndeducatur ad mortem. Tenetur tamen non resistere agenti, quin patiatur quod iustum est eum pati. Sicut etiā si aliquis sit condemnatus, ut fame moriatur, non peccat, si cibum sibi occulte ministratum sumat: quia non sumere, effe seipsum occidere.

Ad tertium dicendum, quod per illud dictum Sapientis non inducitur aliquis ad liberandum alium à morte contra ordinem iustitiae: vnde nec seipsum contra iustitiam resistendo, aliquis debet liberare à morte.

QVÆST. LXX.
De iniustitia ad testis personam pertinente, in quatuor articulos diuisa.

D Einde considerandum est de iniustitia pertinente ad personam testis.

¶ Et circa hoc queruntur quatuor.

¶ Primo,